

祖徠集稿



七

平父校了

詩

味溪



八

詩部

徂徠物先生護園遺藁卷之

東都 物茂卿 著

男 道濟 輯

七言絕句一百十首

奉訪琴鶴堂看櫻桃偶值有風不得縱觀聊作

侯家草樹自光輝況是櫻桃花未稀境似神仙還可恨乘風欲作綵雲飛

春日本法精藍偶作

遠公精舍聽啼鶯，酌酒還憐遺世情。
若識廬山斯處，是何妨春日著淵明。

送蔚宗游函谷二首

平安大道直如絲，處處秋風征馬悲。
君去吹笳函谷曉，何人不起故鄉思。

蓬萊仙子騎龍還，千歲長留玉笥山。
笥裡白雲今猶在，君能持贈與吾看。

補入

月利

謝平子和惠甜瓜

嗟君輿疾訪林丘，落日論詩遂未休。
自有滿籠青玉贈，風流更憶鄭瓜州。

從軍行得城字

黃雲霾日長安城，白羽紛紛募漢兵。
聞道交河三萬里，揮鞭直蹈層冰行。

聞豫州雲州二使君訪集琴鶴堂，互有唱酬。
披閱麗藻，不勝歆羨，率奉嗣響。

聞說後園花盛開，翩翩裘馬集平臺。
櫻桃偏許風流似，綵筆光搖鸚鵡盃。

是日諸子來集吟哦方盛德夫子帥伯錫乃
作樂相聒子遷不忿嘲以詩則援毫答之於
是笙笛之聲遂停故予從旁和其韻戲之
管絃詞賦本齊名逸響奇思相競生豈意金聲忽擲
地一時彩鳳便停鳴

初秋陪蘭臺宴奉次高韻是日涼甚肺病頓
蘇得非恩賜乎

鈞天廣樂此移懸不雪將歌黃竹篇縱是楚臺淒切
甚雄風得似使君賢

擬送人謫羽州

聞說東行千里艱秋風纔到白河關迢迢君更過關
去朔雪紛紛滿羽山
一別刀環那可期東荒自古羽山悲加餐儻有毛人
問但道生逢堯舜時
知爾聞笳塞上愁寒雲遙暗故園秋石罅楷矢黃毛
隊冒雪時猶獵羽州

季冬十九日豫侯宴予猗蘭臺上其夜雪矣

則予稱詩曰美人歌裏來也侯迺賡韻爭謂
嵒湖樓上物哉越廿六日侯再開宴而予疾
作不克趨也則至夜又雪矣於是乎侯亦遂
難於謙讓耳東壁傳示侯詩調高而不可和
乎聊易絃成一小歌馳价送之俾奏諸其臺
上焉爾乎

君侯妙解弄瑤徽許我陽春和者稀請看猗蘭臺上
曲果然白雪爲誰飛

東爽鳩子方

牛山無日不絃歌世上空聞涕淚沱君自爽鳩諳故

事爽鳩之樂竟如何

豫侯將之封河內走李就予互換琵琶口占
一絕奉呈

來換琵琶意可嘆雙旌一去會顏難儻生天際真人
想兩地各抱明月看

西臺左元錫溫雅士矣當侯之見枉草堂也
元錫携詩相示焉則一時草草不遑酬答耳
今聞其從侯西歸乎迺有此和

千騎從行向斗邊知君何處倚龍淵秋高紫氣雲間
起正是西臺醉勝筵

其人送彩牋求詩

朱絃玉軫每相携，一曲楚歌春日西。
只擬彈成堪自愛，何料君送錦箋題。

送奧僧大潮東歸

聞君歸去與誰遊，風雨蕭蕭五月秋。
爲問富春山下客，祇今猶自着羊裘。

畫梅

徒說江城吹笛愁，長看疎影照牀頭。
向風忽念他鄉客，欲折南枝不自由。

琴鶴君侯惠擎天筆聊賦一絕奉謝

使君才氣本翩翩，惠我絲毫稱擎天。
何解病夫春更嬾，晴窗臥寫白雲篇。

春日草堂小集諸君阻雨多不至分韻林字
世事參差阻盍簪，蕭條雨色暗春林。
何人最看梅花落，遙想牛門笛裏音。

春日草堂小集奉次豫州滕侯瑤韻

五馬新回桂水頭，携將明月照春浮。
遂教歲歲金莖畔，偏憶天河秋色流。

桂水天河皆侯封境所接地

東都四時樂

東轍山頭花似氣，東轍山下雪紛紛。
笙歌千隊齊聲

唱那得暫時停白雲

兩國橋邊動櫂歌江風涼月水微波怪來岸上人聲
寂恰是扁舟仙女過

秋滿品川十二欄東方千騎簇銀鞍清歌一闋人如
月笑指滄波洗玉盤

澄江風雪夜霏霏一葉雙槳舟似飛自是仙家酒偏
醉無人能道剡溪歸

奉和琴鶴君侯上日瑤韻

敞開鈴閣直聽清晨嘆息前朝侍從身閣下長槍如
桺葉何曾雨露始尖新

落梅花分韻思字

江梅爛熳著花時江上佳人有所思日暮還將橫笛
奏何知吹落幾枝悲

送香禪師還奧

謁來紫氣映江關一笑翩然復東還謾道禪心無所
着白雲偏解遶名山

寄富春

海外金華映十洲羊裘穩坐木蘭舟知君不是釣名
客日日猶應垂直鉤

寄左子嚴

海內風流總競雄誰如好事左容翁贈吾一幅瀛洲
畫恍若三年在奧中

鎮西教授竹君損齋先生高弟也予自少小
欽先生之名藉甚懷中矣是歲君訪予草堂
贈以三絕規行矩步宛爾典刑因酬來美兼
寓執鞭之思

一操瑤琴休便休長安車馬總悠悠怪來大海西千
里能識芙蓉白雪秋

武陵此處欲迷津君自當年黃道真儻值秦人勞問
訊桃花豈異世間春

曾忘彼美望西方明月佩環雲錦裳縹緲于今蓬島
外從君欲問返魂香

和墨君微留別韻却寄三首

帆影如雲蔽海流岸頭離席盡豪游羨看揮手遙相
謝身在使君青翰舟

鳳飛海上覓青梧彩羽乘風落日孤莫是鸕鷀遊戲
處長鳴時復憶蓬壺

爲想風流白接羅君家便是習家池似聞太守時相
過應唱并州酒客詞

奉餞猗蘭侯分韻人字時東壁已故矣

莫不不自書
字吟

不

竹林大道接車塵相送何辭酒態新君看去年銜盃者已是山陽笛裏人

雪中謝木蘭臯惠琉球酒

道是天南貢餼餘一壺分惠病相如憑君忽憶金莖露恰值梁園飛雪初

示春菴生

我無九醞酌宜城有客來通春是名何妨相迎都不語援筆只得作鶯鳴

秦君熙載千里見訪俄爾告別作三絕戲之徐福千年採藥來子孫應抱先秦才還從紫氣函關

外見我牛門信宿迴

秦女窓前烏欲棲來時艸色已萋萋相逢把酒茅堂夕怪爾回頭春月西

君家窓裡女懷春桂葉垂垂桂水濱不爾千年秦氏子看花寧作武陵人

琴鶴君侯寄示登樓看月作陽春白雪和實難哉漫成二闕未知孰優併錄以呈

樓臺十二玉闌干昔時霓裳映月寒此曲今宵彈不起抱琴深坐爲誰看

桂花亂墜繞闌干桂影婆娑月裡寒憶得十年金闕

宴嫦娥無恙獨相看

早春小集花字

高陽酒客醉相誇，急管繁絃競歲華。
不用慙懃和白雪，陽春只在楚人家。

奉餞西臺侯席上分韻啼字

離席管絃烏夜啼，何妨公子醉如泥。
雙旌西去饒筵集，能得應劉到處携。

雨集分山字時子彬游湘中

寥寥今雨忽開關，濁酒相看堪破顏。
獨有採芝人未返，南雲遙暗玉笥山。

次韻子彬馬上口號

朱門高闕北風寒，裘馬迢迢揚子干。
縱有梅花寧可問，只今江上是長安。

贈子帥之洛干首

憐爾看花去向秦，花時最是帝城春。
青山周匝渾如錦，欲醉祇應無故人。

君自北人堪弄筚，駿州一夜宿誰家。
芙蓉峰頂千秋雪，忽爾吹驚飛作花。

九月初二宿雨忽霽君瑞見訪遂作小集分

韻秋字

君嘗學琵琶中輟是日携赤城游記相示盛以好樂見推

吾黨絃歌乘霽流赤城山下白雲秋憐君天際真人
想不抱琵琶始識愁

懷富山人

孟光相伴出函關短褐犢車終未還今說梁鴻誰得
識空傳五噫滿人間

理翁諸子見訪後寄詩爲謝次韻聊答

屐聲忽厲輟鳴蛙一日高軒楊子家若問梅天近何
似玄經寂寞燕泥斜

揚

懷富山人却寄

別來把釣武陵碕看盡人間似奕碁山裏斧柯已恙
否桃花今日異昔時

寄堀七郎山中

君自山中沮溺耕棄官十歲一身輕似聞不忘晤
日猶爾挿書牛角行

姬人怨服散分韻笙字調子和

洞房中夜忽聞笙乘月巧爲求鳳聲不是仙家貪服
散那教玉女似雙成

送石^{叔潭}叔潭游函嶺^{叔潭}嘗館潮禪師

曾從支遁罷談玄，又似許詢行覓仙。此去應登函嶺望，祇今紫氣屬誰邊。

送鳳泉赴寶珠首座

尊者辭吾大道傍，苦從衣裏覓相將。行行只去休回首，已見寶珠懸上方。

秋日遊蓮光精舍，得多字。子遷壁上畫剡溪，祇林高會發清歌。才子丹青照薜蘿，知是山陰能借色。郢中白雪座間多。

東臬人覓詩

門說仙臺十二樓，金華山色映波浮。題詩我欲隨青鳥，看盡扶桑欲盡頭。

雪

閨苑梅花世所稀，分明一夜夢遊歸。因疑仙子將長笛，吹落人間作雪飛。

謝次公惠海月

今日酒杯何限深，開緘遙照故人心。可知君下珊瑚網，網得海中明月沈。

分題折楊柳雲字

都亭車馬客如雲，爭折柳楊將贈君。獨奈風吹飛絮

起驪歌未闋已紛紛

贈子和赴三河二首

東方千騎下關門澤國江山雨後昏
杜若橋邊春草色知君駐轡問王孫

艾城高宴陪使君驛樹遙連豐沛分
歌罷大風還一望飛揚猶似昔時雲

德夫叔潭子帥及同家二錫見韓客館中唱酬成卷各和其一詩

依然銀漢烟清秋一笑還應太白浮
不識支機君自有人間謾向海槎求

右德夫

鬱勃雄懷黯不開忽逢八月使槎來
知君病起廣陵色堪試枚乘七發才

右叔潭

蓬萊清淺尚無邊
鼉浪偏迷韓使船
忽被君持瑤草贈始知此處日東天

右子帥

子帥從韓客游後子遷寄詩壯之卒和其韻
一揮誤恐觸琅玕醉誦君詩如意寒
伏櫪還羞千里志不知帶笑傍人看

予

爽鳩子方祇役三河不與韓客相值及還縱
觀群作頗有悵然之色是日和寄奧人詩因
用其韻戲之

嗟君新罷賦登樓目送韓槎海上浮莫奈文思紛不
定金華山色又回頭

鼎也母饋橘南紀人也南紀物也

南州嘉樹后嘗栽生子欲如屈原才迺以陸郎懷裏
物慇懃千里饋吾來

次韻雨權允奇童

雨家九歲真英物綵筆驚人白日寒知爾它時玄菟

寒萬言慷慨倚銀鞍

題錦鷄畫

憑將五彩賤家雞似是鳳皇毛羽齊縱使吾曹誇錦
字顧爾逡巡不易題

奉謝豫侯惠牋

持贈春雲飄欲飛晴窗淨几暫相依爲君泚筆還堪
惜且載我詩何由歸

補入

寄題琵琶湖

湖中春色映霏微，鴻雁連翩向北歸。一點君山天女
初琵琶，最是不勝悲。

謝琴鶴丹侯見枉草堂

下韻

君是前朝侍從班，雙旌尚引五雲間。恍然來借山
齋色，昔日鈞天夢忽還。

酌醴焚香未盡歡，鸛鵲偏敵朔風寒。悔緣草閣蕭條
甚，一夜徒歌白雪看。

寄題江州城樓

一點君山破浪青，千帆如鳥接冥冥。知誰倚醉城樓

上能使雄心滿洞庭。

寄題竹生島

昔時帝女下江關，石鏡深窺借玉顏。試去琵琶湖上
望，蛾眉鬢髮似君山。

贈武子忠

君是峽中名將家，家傳寶劍拂霜華。祇緣清世深藏
匣，夜夜南天紫氣賒。

贈松子潤

江南才子太早成，開口能爲律呂聲。似是洞庭張樂
地，年年曾學鳳凰鳴。

卽如僧正和予普門之作見寄併惠豐山茶
因用原韻奉謝

心醉茫然歸路斜歸家猶訝在君家惠茶重試醍醐
味誦偈忽飛優鉢花

超諸公子惠仙臺糒

仙臺公子玉爲餐一篋遙分粒粒寒酬以惡詩還不
妨聞君已作瓊瑤看

喪女和答蓮光上人見慰

祇樹無心動梵音解言底事入人深請知慣灑鮫珠
淚珠盡今朝血滿襟

遊蓮光寺席上作

二首

竭來始覺有生勞鐘磬泠泠對白毫欲向祇林深處
宿不秋忽起半空濤

愛靜何妨青竹密避喧便覺白雲深不論現在與過
去香篆還灰幾箇心

麟上人十年前赴東奧請訪余護洲之上晤
言連日矣是歲西遊長安特過赤城致富春
山人書相約比還再見臨也八月十七日果
尋前盟出示其詩則瀟洒出塵迥異往年嗟
嘆久之作三絕句贈之蓋亦三致意云

白河關口秋風吹總訝道人歸去遲但說赤城山下
路低回曾有地仙期

道人詩骨已翩翩恰好乘風萬里旋身是金華山下
住儻逢昔日叱羊仙

驚看洞庭秋色波已知朔雪暗關河但憐嚴子灘頭
客今日羊裘竟若何

和卓上人見寄

携來妙偈秋含情籬菊巖楓興轉清病後難通濁醪
理坐教慧遠似淵明

贈湖中二子

二首

家臨湖水帝畿東神女靚妝明鏡中二十五絃風雨
夜知君伏枕泣孤蓬
江雲橫秋雁影間憐爾讀書彭蠡灣爲問山中臨石
鏡何人照得昔時顏

寄潮上人

赤縣相看是幾年不論東海作桑田應知謫仙依舊
謫如今靈一却解禪

寄墨君徽

扇頭蘭蕙色無渝書畫風流誰得如君自滄浪貪濯
足而今不憶武昌魚

同數子遊思川流觴得流字

東風吹浪沒沙洲洲上遊人笑不休櫻桃夾岸花如舞散逐飛觴點點流

送君上人之京

二首

處處春風黃鳥斜驛亭垂柳映袈裟洛陽此去花應好一路淹留知幾家

苾芻好事本無倫詩酒飄然行覓春到日東山春縱盡西山應有采薇人

送管童子遊西京

二首

五十三驛莫言難處處山川秋好看明日先從函嶺

望如絲大道連長安

揮鞭意氣愜秋涼才子奉恩遊洛陽但到西山紅葉好錦衣相映早歸鄉

走次南都北上人寄示韻

何物諸天雲錦機空中色相映霏微縱然剪取能堪贈不道人間賞者稀

贈高生

多病學詩詩已成沈吟何妨喪雙明且言徑寸珠無恙論價還堪十五城

奉和卽如尊者退院口號

忽聞退鼓破空濛一鉢蕭然萬事終猶憶名山京洛
好翩翩飛錫待東風

和卓上人詩

蕭寺雪殘幽徑侵相思欲問六時心含龍前日日香烟
起結作春陰不可尋

謝田望之贈梅花畫

田郎留我梅花圖掛壁曄如照座隅知是屋梁落月
色故移疎影來相俱

寄題豐王舊宅

絕海樓船震大明寧知此地長柴荆千山風雨時時

惡只作當年叱咤聲

遊蓮光寺

清聽相看到日斜酒酣忘是梵王家援筆吹起秋風
樂忽報東籬欲發花

舟中宴奉和守山世子見寄

平臺遙羨白雲秋錦字翩然照碧流偏似乘風聞鶴
唳一時舟裏共回頭

送仲錫之常三首

平原一路惜熹微匹馬迢迢客子衣時自筑波山上
望應看鴻雁向南飛

征鞍北指古常州。憐子辭親此宦游。縱說櫻川春轉好，風花看是白雲流。

聞說仙陂遠郭流。郡齋高倚海門秋。知君吟嘯月明夜，時見浮槎近斗牛。

長藩大修學校，興禮樂，廣集墳籍，爲海內倡。蓋次公與有力焉。是歲藩侯在覲，次公從之。暇則往來如織，攻經講律，旁及衆藝，綢繆殊甚。及其歸也，作七絕句以餞之。若夫繾綣之情，悉之末篇焉乎爾。

聞說關西造類宮，孟侯風化似文翁。三千弟子彬彬

起作賦，誰如褒與雄。

歲事新修鐘呂懸。國風十二被朱紘。更知千載幽蘭譜，還向仲尼門下傳。

好文今羨漢河間。購得遺經壁裏還。太史著書君識否，深藏其副在名山。

次公治律勝申韓。自說覆盆冤最難。還謂刑名非聖意，孔家司寇魯秋官。

文學優游飽主恩。宦成幾歲從熊轡。東行贏得多休暇，日日絃歌在我門。

門下衆賓醉不譁。爲君擊筑舞僂僂。別筵度曲遙相

顔スヘシ改テ平ニ

送一路秋風青海波

錦帆西盡青蜓州赤馬關高大海流料識愁心秋不

極回首顔東望月如鈎

青川居

蜀川居



卷之八

